

ایکینچی سنه

نومرو : ۲

خزینہ اوراق

تاریخ تاسیسی

۱ مایس سنه ۱۲۹۷



مؤسی

محمود جلال الدین



تاریخ طبع
و نشر
۲۲ کلون شانی
۱۲۹۸

یو رساله ادبیه جمعہ ایرتسی کونلری چبقار

او مخلوقلر کیم دیر زبی لزوم
 مضر بیلشز هم بوتار یخنه دک
 وجودیله ثابت او مخلوقلر
 خدانک حضورنده لازم دیمک
 حقیقت خطا بلدکه برجنجه در
 برانلردن اکراهه مائل ایسک
 بنی آدم اول جانوردن بتر
 که عقلیله دنیایی استر ییک
 نه در جنک او طوفان اشوب کیم
 بتون جانورلر کورر اورکه رک
 شوجع بشر کیم تمایز صاتوب
 مدار اولق اوزره اودعوایه تک
 محقر کورر موزیاتی بوکون
 که یوق زندگانیلرنده سورک
 اوجعیت اتیده برکون کلوب
 که لایق اکا روز محشر دیمک
 ۱۲ تشرین اول ۱۲۹۷ (پوتی) (عبد الحق حامد بک)
 —————
 انسانک حیاتی

حیات بر مطیة هولناک که نتیجه سی اوچوروملی حفرة هلاکدر

بو حفره دنصکره انسان غمگانه کوره نائل مکافات یاخود
مستحق نکال و مجازات اولور بوراسی معلوم اولوب انجق
بو حفره یه وارنجه یه دکین مدت عمر سرعتده مرور ایله
اطائب کجد کدنصکره ندامت مقرر در .

تحفی شوکه انسان هر وقت بر فکره مالک اولوب اوده
کویا مؤخرأ بر کون کله جکده اولوقت استراحت ایده جک
وهیميله زمان حضری نصل اولور ایسه اولسون چاپوق
چاپوق کچور مکه ملتند اولسیدر حالبوکه اوبکلدیکی ساعت
کیما یاخود بیضه عنقا کییدر .

بویله بر جاده یه سالکر که دونمک یاخود توقف ایتمک
محال اندر محالدر نصل توقف اولنسونکه تازیانه قدرت
کره زمینی دوره تضیقدن غیر خالی و کونش و قر ایله
سیارات سائره التزام دورانی وظیفه دن عدا یتشدر بر طر-
بقدمه یز که توقف یوق راحت یوق همان سکرتملی همان یول
کسملی کیملی چونکه خلاق جهانک امری اقتضا ایدیور
بویله امر که رجانیاز استدعا التماس اولنمز مطیه عمره را کبا
کچر کن بعضاً و عرضاً بر کوزل صولره ایچه مسیره لره
اوغرائیلور طبعاً شوراده قالدیم یاخود شوراده براز ارام
ایده یم دینیلور ایسه امر الهی (یوری یوری) دیود هشتلی
دهشتلی ندا ایدر اولخالده ارتق ایاقلرک غیر مطیع و حواس

خمسكه دخی شو امر حكمت نمونه منقاد وسمیع در .
 مرتبه كماله وارنجه كیروسنه مناسفانه باقیلور كه حالت
 شبابتده كوریلان شو كوزل یرل اعلا واطیف منظرملر
 اواقان وچاغلیان صولر هپ غائب اولدی كائنات برنوع
 خرابات كورندی كیرو عودت ایتك استرسك هاتفلر حالم
 كوكلر زمینلر یساقدر دیوتهدید ایدرك باغرلر امان هیج
 اولرسه شوراده لذت و نشاطسز یرده قالمیم دیو سن بریده
 قالمه قائل اولسهك یله محل مقصوده واردك دیو لسان
 حال ایله جلاد محنت سولر اولخالده فی الحقیقه اوچورملر
 هولنك حفره عمل صالح یوغیسه مبارك بلالر حاضر در
 وز یرده كه بیت مشهور شو ادعایه موافق اولدیغندن شوراده
 درجی مناسب كورلمشدر .

کیمته ده عمر گذشته موتك استقبالنه

غمله امرار اولنسان دملره استعجالنه

حال ماضیدن قیاس ایت پرتومستقبلی

بویله دنیای دنی غمخوارینك وای حالنه

بر حالت ده واردر كه انسان طوغوب اولنجهیه قدر

کندیسی موتی ارامسیدر اوده مثلا طفل ایکن حالنه موافق

ملعبه ارامق اولوب الله کچد کدنصکره بر لذتی اولدیغنی

درک ایتدکجه وسن ایلرولدکجه تبدیل مراق ایدوب حال

و مشرب بنجه اسب و یا خود بر مقدار معین اقچه به (آه کاشکه
 نائل اولسه م اولوقت دهها بشقه برشی ایسته م) دیر اکا
 دخی موفق اولدقده ینه بونک راحت روحانیسنی کورده یوب
 تکرار تبدیل افکار ایدر بودفقه دخی بر مأموریت و یا خود
 زنان ملک سیرت ایله همبرم الفت و محبت اولسه م دیر اکا
 دخی نائل اولنجه ینه اندنده یقه رق بشقه برشی ارار
 و الحاصل دنیاده بولند قجه ارامقدن قطعاً خالی قلمز حالبوکه
 بیچاره نك راحت دیو ارادیغی ممت یا خود عالم ارواح
 و نباتدر .

چونکه روح جسم کیف انسانی ایله قبل الامتزاز
 عالم مخصوص عللینده بر طاقم همپاسیله جالس مقام عز و صفا
 و ازاده دغدغه غم و جفا اولدیغی حالده اوچ اعلادن
 درك اسفله هبوطند ناشی اسکی حالتی بالخطر هر آن وزمان
 وردخوان و احیفا در و بوکا دلیل کتورمک غایت اساندر
 مثلاً انسان اج اولدیغی حالده طعمی آرزو ایدرك نائل
 مطلب اولدقدن صکره دهها نقدر نفیس طعام کتوریلور
 ایسه تناوله میل ایتیه چکی مجرب اولدیغی کبی روح ائک
 عکسیدر اوده نه کبیدر فرضا شو عالده و هر برملت و قوم
 عندنده مجالس عیش و عشرت و استماع الات نغمته بوکا
 متناسب شیلر خصوصات مطربه دن عد اولندیغی درکار

ایکن بر محبوب خوش صدا و یاخود استماع عود و نقره ده
 انسان مثلذ اولوب ترطیب دماغ آه و آه ایتسی لازمکلور
 ایکن بوکا توغل ایلدکجه آه و اینی مر داد و استماعندن
 اولکی حالی موازنه ایدیلور ایسه صکره کی بدتر و برباد
 اولبور (و سبحان الله سن بونلری کورمدن و استماع ایتدن
 اول حصولی ارزو ایدوب جان اتار ایکن نائل مرام اولد -
 قده تسکین این یرنده نعره بی ارتدک سببی نه در) دیو
 صور یلور ایسه بیچاره حیرتدن بشقه جواب و یره جک رشی
 بوله میور .

بوندن استفاده اولنور که روح بونلرک استماع و یاخود
 دیگر یله اجتماعنده عالم بالاده کی حالتی دوشنوب تخضر
 ایدرک فریاد و فغانی اریبور (سبحان من تخیر فی صنعہ
 العقول : سبحان من بقدرته یعجز الفحول
 قائم مقام عناب

حسنى



۷۵ محکمہ نك حکمی بعض کره محکومک قدرینی اعلا
 ایدر بو کیفیت جنایت محکمہ لرینه عائد اولوب
 افکار عمومیه نك حکم سورمدیکی مملکتلرده نادراً
 وقوع بولور .

